

給御于御座戌亥角主上御座與宮御座間立隔三尺几帳也高御座帷爲風被吹上仍密々女房一人取件帷祇候東方帷余取之爲風也昇給間所差几帳候高御座後壇下女房等一兩候件所或又入禔內余宮令昇給間取在一級御沓置于內層東掖是爲宮御衣裾慮外可被引失之故也余密々供御菓子於主上依幼主也應德例如此云々主上御高御座之間余常乍立第二層上且供御菓子且見御所依幼主爲不審也又時々下立第三層行事此間打殿下鉦女孺供翳次左右褰帳昇自高御座左右階褰帷采女相副以針閉之次褰帳退去復座此間執仗警蹕式部稱面伏群官磬折次焚香次典儀唱再拜承贊者王卿百官再拜次宣命次群臣拜舞次武官振幡宣命使復列式部叙位兵部同之次叙人拜舞典儀唱再拜承傳如例次侍從稱禮畢

〔吉記〕治承四年四月廿二日甲辰今日天皇倉御即位也巳刻昇殿今朝叙位了於作物所邊腰以休息改裝束所歸參也用巡方帶

檢知殿庭御裝束依爲裝束司辨也又仰官外記令催雜事等午刻宸儀渡後房仁壽殿未二點服冕服即高御座皇后又昇給二九女孺執翳左右進奉翳命婦二人納言顯廣王女宰相褰御帳復座其儀見式大儀禮了皇后入御宸儀還御本殿

〔玉海〕治承四年四月廿二日甲辰此日天皇即位於紫宸殿略中

今日違例事

- 一 執翳女孺空手著座事
 - 一 二省丞入自幄南面給下名事
 - 一 大極殿儀入自幄西面給之紫宸殿之禮何可異哉是內辨命云々
 - 一 擊召刀禰鼓後令開門事
- 此事大違例也古今未聞後日大外記賴業云內辨命之云々
- 一 宣命使練半分不練半分事